

Mintga schoz en gol

Gion Nutegn Stgier/FMR

Veir debachel per l'equipa indigena cun cassar gist set gols. Cunter en adversari tg'è bagn sto fitg effiziant, dantant er ansomma betg persvadia, avess igl CB Surses stuia far en pari - schi betg schizont gudagner.

Terrada da 3:7 pigl CB Surses. Cugl gi Surses - Lumnezia èn s'inscuntros igls dus teams tg'èn da premaveira nias relegos dalla 3. liga ainten la liga pi bassa. Tottas dus equipas on er aint igl nov campinadi dalla 4. liga anfignen ossa betg anc musso propi lour classa. Ena classa tg'è franc avant mang. Surses ò avant igl gi cunter igls Lumenzians gia da tuager la tarada da 4:0 cunter Vaz sot. Igl adversari dalla Lumenzia, er el veva segl conto anfignen sonda passada angal otg puncts, siva seis rundas digl campinadi, dus pi pac tgi igls Sursetters.

Blers giuieders digl CBS absents u blessos

Menziuno seia tgi Surses ò betg giuia cun la sia pi ferma equipa e chegl perveia da ples muteivs. Cun exister tranter igl CB Surses, igl CB Tusang/Tgazzas ed igl CB Lai/Valbella ena cunvegna ed partenadi da trenamaint e da giuier on mantgea aint igl gi cunter Lumnezia tigl Sursetters gist treis fermas pitgas digl team. Chegl èn igl goli Niclo



Per eneda ò Fabio Stecher fatg fegn alla schanza digl Lumnezians. Fotos: Gion Nutegn Stgier

Devonas, igl defensour Robin Demarmels ed igl capo-attatgader Julian Jenal. Igl dus davos numnos on giuia cun Tusang/Tgazzas orsoura cunter Domat, en gi dalla 3. liga, tg'els on gudagnea cun 4:1. Vetiers è er anc nia tgi gist ena rotscha giuieders da tschep digl CB Surses èn igl mument blessos.

Autogols gist an seria

Sen fundamaint dalla fermezza dallas dus squadras ins vess spitgia ena parteida pi angulivada tranter Surses e Lumenzia. Sa musso è alloura tgi igls giasts èn stos per en po pi effiziants e ple u manc fatg or da mintga schanza en gol. Gio siva otg minutas èn igls Lumnezians ias an avantatg cun 1:0 antras igl gol d'Andriu Alig. Plangsia èn igls indigens sa

revignias da chel colp e gia siva 30 minutas digl gi la pussebladad da signier igl pari antras Manuel Simonet. An pe da far igl 1:1 on igls Sursetters casso siva d'en sbagli digl goli Fabio Stecher igl 2:0. Disfurtegn è er anc neida vetiers ainten la 44avla minuta cun far Laurin Frigg en autogol tigl 3:0 e resultat intermediar pigl Lumnezinas. Siva dalla pòssa ò alloura Lumnezia giuia prest anc pi offensiv e la consequenza da chegl è stada: quatter ulteriours gols cunter igl CB Surses. Adriano Simonet el ò marco siva 49 minutas igl ampren gol pigl Surmirans. Pac sessour ò Yanes Kaufmann, ramplazzo pigl indigens Fabio Stecher aint igl gol. Pero er igl goli da reserva digl CB Surses ò gia pac cletg cun cassar en gol siva l'oter. Fatg en autogol ò ainten la 78avla minuta er Lumenzia. Igl pi bel digl diesch gols tg'èn crudos ainten chella parteida ò marco Robin Demarmels cun la testa, e chegl siva 89 minutas tigl 3:6. Pacas secundas avant la fegn on igls Lumnezians retschet anc en penalti, chegl siva d'en faul da Dario Kolb. Nando Blumenthal ò tratg chel penalti tigl resultat final da 7:3 per Lumenzia.

CB Surses: Fabio Stecher, (55. min. Yanis Kaufmann), Raphael Poltera, Dorian Sonder, Dario Kolb, Matteo Sutter, Tizian Rupp, Linard Augustin, Simon Tanno, Manuel Simonet, Adriano Simonet, Ivano Simonet. Reserva: Nico Demarmels, Laurin Frigg, Aurel Tscherner.

COIRA: TEIR FINAL

Danovamaintg declasso la concorrenza

La staschung da teir 2022 da 300 meters e 25 / 50 meters totga agl passo. A fegn è ella eida cugl teir final a Coira, noua tg'igl ò do en'ulterioura victorgia per Silvia Plaz.

Ple u manc sainza concorrenza an vainter arma d'ordonnanz è stada Silvia Plaz. Ella tgi totga an Svizra tar las miglras tiradouras ed ò fermas relaziuns cun Savognin antras igl sies om Franz Josef Plaz. Silvia Plaz ò gudagnea l'occurrèza cun far 582 puncts da 600 puncts pussebels (total 60 schozs sen la scheba da diesch). Gion Casaulta da Castrisch è nia

sagond ò dantant gist fatg 20 puncts pi pac tgi la victoura Silvia Plaz.

Tar la categoria arma da sport an vainter ò Urs Brazerol da Farrera contanschia cun 579 puncts igl terz post. Gudagnea ò cun fermes 588 puncts Meinrad Monsch da Zezras el tg'è sto plessas gedas campin grischun. Otto Bass da Sumvitg è nia ampren tar la categoria arma da sport dus posiziuns. Ainten la madema categoria, angal cun l'arma d'ordonnanz, sa nomna igl victour Gion Casaulta. Tar las pistolas sen la distanza da 50 meters ò gudagnea Roman Clavadetscher da la Val Müstair. (fmr/gns)



Silvia Plaz ò declasso la concorrenza.

Foto: Gion Nutegn Stgier